

Buorre diehtit 2005 Girkoválgga birra

Ruođa girku lea demokrátalaččat huksejuvvon ja dat eaktuda ahte sullii 5,8 miljuvna jienastanvuoigaduvvon miellahtut beroštit ja váldet ovddasvástádusa. Girkus mii juohke njealljat jagi válljet daid geat galget váldit mearrádusaid searvegottiin, searvegoddeovttastumiin, bismágottiin ja girkočoahkkimiin.

Bassin 18 b.čakčamánuš, 2005 lea Ruođa girkoválga. Jienastanvuoigaduvvon lea son gii gullo Ruođa girkui ja mañemusat válgabeaivvi deavdá 16 jagi. Girkoválggas mii jienastit ovdagihtii čálihuvvon nominerenjoavkkuid (almmolaš válggain bellodagat). Sáhtta maiddá jienastit sierra olbmo - merket evttohasa man jienasta.

Dáidda sáhtát jienastit

Searvegoddi

Searvegottis gos leat čálihuvvon. Girku alimus stivra dehe n.g. njuolggaválljejuvvon girkoráđđi lea searvegotti alimus mearrideaddji orgána.

Searvegoddeovttastupmi

Jus searvegoddi gos leat čálihuvvon gullo ovtastupmái de leat maiddá válggat ovtastuvvon girku alimus stivrii. Searvegottit ovtasbarget ovtastumis vuosttažettiin ruđalaš áššiin.

Bismágotti alimus stivra

Ruođa girku lea juhkojuvvon golbmanuppilohká bismágottiide. Juohke bismágoddi jođihuvvo bismás ja dasa gullojit visot searvegottit bismágotti geográfalaš guovllus. Bismágotti doaibma lea ahte ovddidit ja bearráigeahččat searvegoddeeallima. Bismágotti alimus stivra lea alimus mearrideaddji orgána bismágottis.

Girkočoahkkin

Ruođa girku alimus mearrideaddji orgána.

Leahkit mielde

Girkoválgga bakte 18 b.čakčamánuš lea juohke ovtas, gii gullo Ruođa girkui, vejolašvuohta leahkit mielde ja hábmet boahtteáiggi girku. Dan sáhtta dahkat jienasteami bakte dehe leahkit mielde válggas nominerenjoavkkus. Sáhtta leahkit mielde joavkkus mii juo gávdno dehe ásahit ođđa joavkku. Válljehahttivuohtaahki lea 18 jagi mañemusat válgabeaivvi. Dieđahančálus "Att ställa upp" lea ruođagillii ja govvida got galgá dahkat go háliida leahkit mielde Girkoválggas.

<http://www.svenskakyrkan.se/kyrkoval2005/4.htm>

Áigeplána

15 b.cuoŋománuš berre ohcamuš čáliheami birra nominerenjoavkkus ja ilmmuhus evttohasain leahkit bismágoddestivrras dehe girkostivrras. Mañemus beaivi lea 15 b.miessemánuš.

31 b.borgemánuš galget jienastangoarttat leahkit olggossáddejuvvon jienasteddjiide. Gaskal 5-15 b.čakčamánuš lea vejolaš ovdagihtii jienastit. Jienastangoarta gáibiduvvo álo ovdagihtii jienasteamis. Lea maiddá vejolaš jienastit reivve bakte dehe sáddet soapmása jienastit du ovddas. Jienasteapmi reivve bakte dehe eará olbmo bakte gáibiduvvojit sierra kuverttat man sáhtát oažžut iežat searvegottis.

18 b.čakčamánuš, 2005 lea jienasteapmi Válgalanjas, báiki ja áiggit bohtet ovdan jienastangoarttas.

1 b.ođđajagemánuš, 2006 álget ođđa áirasat doaimmaideaset.